

**ODLUKU****O POVJERAVANJU OBAVLJANJA KOMUNALNIH  
DJELATNOSTI**

## Član 1.

Povjerava se obavljanje komunalnih djelatnosti za upravljanje i korištenje postrojenja za odvođenje i prečišćavanje otpadnih voda Trnovo, davaocu komunalnih usluga Javnom komunalnom preduzeću "Trnovo" d.o.o. Trnovo, Dejčići b.b.

## Član 2.

Ova odluka stupa na snagu danom objave na oglasnoj ploči općine Trnovo, a naknadno će se objaviti u "Službenim novinama Kantona Sarajevo".

Broj 01-23-2471/18  
24. jula 2018. godine  
Trnovo

Predsjedavajuća  
Općinskog vijeća Trnovo  
**Emina Mehmedagić**, s. r.

Odluka objavljena na oglasnoj ploči Općine Trnovo dana 24.07.2018. godine

Na osnovu člana 24. Statuta Općine Trnovo ("Službene novine Kantona Sarajevo", broj 12/08), Općinsko vijeće Trnovo, na 13. sjednici održanoj dana 20.07.2018. godine, donijelo je

**ODLUKU****O USVAJANJU STRATEGIJE ODRŽIVOG RAZVOJA  
OPĆINE TRNOVO ZA PERIOD 2018 - 2022. GODINA**

## Član 1.

Usvaja se Strategija održivog razvoja Općine Trnovo za period 2018 - 2022. godine.

## Član 2.

Ova Odluka stupa na snagu danom objave na oglasnoj ploči Općine Trnovo, a naknadno će se objaviti u "Službenim novinama Kantona Sarajevo".

Broj 01-02-2475/18  
24. jula 2018. godine  
Trnovo

Predsjedavajuća  
Općinskog vijeća Trnovo  
**Emina Mehmedagić**, s. r.

Odluka objavljena na oglasnoj ploči Općine Trnovo dana 24.07.2018. godine

Na osnovu člana 24. Statuta Općine Trnovo ("Službene novine Kantona Sarajevo", broj 12/08) i člana 28. stav 3. Poslovnika o radu Općinskog vijeća Trnovo ("Službene novine Kantona Sarajevo", broj 12/08 i 36/08), Općinsko vijeće Trnovo na 13. sjednici, održanoj 20.07.2018. godine, donijelo je

**ODLUKU****O IMENOVANJU KOMISIJE ZA IMPLEMENTACIJU,  
MONITORING I EVALUACIJU STRATEGIJE  
ODRŽIVOG RAZVOJA OPĆINE TRNOVO ZA PERIOD  
2018 - 2022. GODINA****1. OPĆE ODREDBE**

## Član 1.

Ovom Odlukom imenuje se Komisija za implementaciju, monitoring i evaluaciju Strategije održivog razvoja Općine Trnovo za period 2018-2022. godina, određuje se njen sastav, mandat, zadaci, način rada i odgovornosti.

**2. SASTAV KOMISIJE**

## Član 2.

U Komisiju za implementaciju, monitoring i evaluaciju Strategije održivog razvoja imenuje se:

1. EMINA MEHMEDAGIĆ, predsjednik
2. SELIM HAMZIĆ, zamjenik predsjednika
3. ESAD VELIĆ, član
4. HARIS PINDŽO, član

5. OSMAN SMJEČANIN, član
6. NAĐA MILIŠIĆ, član
7. MEŠIĆ MIRSAĐ, član
8. MEHO KRUPALIJA, član
9. ANEL DURMO, član
10. AMRA MEHMEDAGIĆ, član

## Član 3.

Po ukazanoj potrebi Komisija će u svoj rad uključiti i druga fizička i pravna lica vezano za oblast o kojoj raspravlja.

**3. MANDAT**

## Član 4.

Mandat članova Komisije vezan je za mandat općinskog načelnika i vijećnika u Općinskom vijeću Trnovo.

**4. ZADACI KOMISIJE**

## Član 5.

Uloga Komisije je savjetodavna u smislu pomaganja lokalnim vlastima u smislu praćenja nadgledanja i procjene postignutih rezultata realizacije Strategije.

Komisija će raditi analizu realizovanih projekata i njihovih efekata, sa posebnim osvrtom na eventualne prepreke u realizaciji i davati smjernice za usklađivanje akcionog plana sa već urađenim.

**5. NAČIN RADA**

## Član 6.

Komisija će po imenovanju biti obavezna izraditi poseban plan za implementaciju, monitoring i evaluaciju, koji će obavezno sadržavati slijedeće elemente:

- Imenovana lica za praćenje realizacije projekata (i, po potrebi, eksterna lica)
- Aktivnosti potrebne za efikasan monitoring
- Vremenski plan monitoringa
- Imenovana lica za evaluaciju (i, po potrebi, eksterna lica)
- Aktivnosti potrebne za efikasnu evaluaciju
- Definisani termini za evaluaciju
- Sredstva, metode i dinamiku međusobne komunikacije i izvještavanja u okviru Komisije, kao i prema općinskom načelniku i vijeću

## Član 7.

Praćenje i realizacija Strategije održivog razvoja će se obavezno vršiti jedanput godišnje, a u slučaju posebnih zahtjeva vezanih za implementaciju određenih dijelova Strategije, odnosno njenih ciljeva, programa i projekata praćenje i realizacija će se vršiti i vanredno.

## Član 8.

Odredbe Poslovnika o radu Općinskog vijeća Trnovo, koje se odnose na rad radnih tijela, primjenjuju se u radu ove Komisije.

**6. ODGOVORNOSTI**

## Član 9.

Članovi Komisije su obavezni djelovati u najboljem dugoročnom interesu njihove općine i građana prije svakog drugog interesa (političkog, religijskog i sl.).

## Član 10.

Komisija je obavezana najmanje jedanput godišnje izvještavati Općinsko vijeće o tekućim aktivnostima i fazama rada.